

**ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ МИНИСТІРЛІГІ
ТҮРКІСТАН ОБЛЫСЫ САРЫАҒАШ ҚАЛАСЫ
ЖШС «РАДУГА» БӨБЕКЖАЙ БАЛАБАҚШАСЫ**



Бекітемін
ЖШС «Радуга» бөбекжай
балабақшасының меңгерушісі:
У.О.Серибаева
«29» тамыз 2025 жыл

Өндірістік кеңес

Сарыағаш қаласы .
2025-2026ж

ЖШС «Радуга» бөбекжай балабақшасы

Өндірістік кеңесінің

Сарыағаш қаласы

31.08.2025 ж

Хаттамасы №1

Қатысқандар:

1. Шаруашылық меңгерушісі
2. Әдіскер
3. Аға тәрбиеші
4. Медбике
5. Хатшы

Күнтәртібі:

1. Жаңа оқу жылының міндеттемесімен таныстыру, бекіту.
2. Жазғы сауықтыру шараларының қорытындысы
3. Қызметкерлердің ішкі тәртібі
4. Өз білімін көтеру бойынша ұсыныстар

Қаралды:

1. **Бірінші** мәселе бойынша балабақша әдіскері: У.О.Серибаева 2025-2026 оқу жылына арналған міндеттемесімен таныстырды. Ол бойынша ұйымдастырылған ісәрекеттер ойын түрінде, кіріктірілген негізде өткізілетіне назар аударылғанын айтты. Яғни, мектеп жасына дейінгі балаларды жан-жақты дамытуда денсаулық, танымдық, қарым-қатына, әлеуметтік дағдыларды дамытуға басымдық беріледі.
2. **Екінші** мәселе бойынша, балабақша әдіскері жазғы сауықтыру шараларының қорытындысын баяндады. Яғни, ұйымдастырылған оқу қызметінің жеңілдетілген формадағы сауықтыру шараларының жоспарға сәйкес ұйымдастырылып, қадағаланғанын айтты.
3. **Үшінші** мәселе бойынша, шаруашылық меңгерушісі қызметкерлердің ішкі тәртібімен таныстырды
4. **Төртінші** мәселе бойынша, «Өз білімін көтеру» бағытында жалпы педагогтарға берілген тақырыптың 3 жыл көлемінде жүзеге асатынын айтты. Яғни, жаңадан келген педагогтарға жаңа тақырып еріп, ал тақырып алған педагогтар өз бетінше жұмыстарының жоспарға сәйкес жүргізіліп жатанын айтты.

Шешімі:

1. 2025-2026 оқу жылындағы міндеттемелерді іске асыру балабақша әдіскеріне және педагог мамандарға жүктелсін
2. Жазғы сауықтыру шараларының қорытындылансын.
3. Қызметкерлердің ішкі тәртібі қатаң сақталсын.
4. Өз білімін көтеру бойынша ұсыныстар тыңдалсын және жүзеге асырылсын.

Балабақша меңгерушісі:



У.О.Серибаева

Хатшы:



С.Бозорбаева

ЖШС «Радуга» бөбекжай балабақшасы

Өндірістік кеңесінің

Сарыағаш қаласы

31.10.2025ж

Хаттамасы №2

Қатысқандар:

1. Әдіскер
2. Аға тәрбиеші.
3. Медбике
4. Хатшы

Күн тәртібі:

«Біртұтас тәрбие» бағдарламасын талдау.

Қаралды:

«Білімді ұлт» ұлттық құндылықтарды дамытуға бағытталған бағдарламаға талдау жасалынды. Бағдарлама барысында

Мемлекет Басшысы Қасым-Жомарт Тоқаев Ұлттық құрылтайдың «Әділетті Қазақстан – Адал азамат» атты екінші отырысында сөйлеген сөзінде балалар арасында жалпыадамзаттық және ұлттық құндылықтарды дәріптеудің маңыздылығын атап, білім беру ұйымдарындағы тәрбие ісіне ерекше назар аударуды тапсырды. Осыған орай 2023 жылы «Біртұтас тәрбие» бағдарламасы әзірленіп, барлық білім беру ұйымдарына енгізілді. Бүгінде «Адал азамат» біртұтас тәрбие бағдарламасы деп аталады.

Қазақстан Республикасының Президенті Қ. Тоқаев 2025 жылы Ұлттық құрылтайдың «Адал адам – Адал еңбек – Адал табыс» атты үшінші отырысында елімізді дамытуға қатысты маңызды бастамалар көтерді. Еліміздің болашақтағы негізгі сұлбасын «Әділетті Қазақстан – Адал азамат – Озық ойлы ұлт» деген үштаған ұғым арқылы сипаттады. Үштаған – бір-бірінен бастау алатын және өзара тығыз байланысты ұғымдар, ел ішінде заң мен тәртіпті қатаң сақтауды қамтамасыз етуді саясатымыздың тұғырлы қағидатына айналдыратын мықты демократиялық институттары мен дамыған құқықтық жүйесі бар әділетті мемлекетті құрудың шарты және еліміздің жаңғыруы мен әрі қарай дамуының стратегиялық бағдарын айқындайды. Бұл баршаға және әрбір адамға бірдей мүмкіндік беретін қоғамды қалыптастыратын адал азаматтар табанды еңбегімен еліміздің дамуына өз үлес қосқанда ғана мүмкін болады.

Озық дамыған мемлекет құру үшін азаматтарымыз жаңаша ойлай білуге және жасампаздыққа ұмтылуы қажет. Осыған орай жастарды тәрбиелеу «Адал азамат» идеясымен үндеседі. Бұл балалар мен жастардың бойында әділдік пен жауапкершілік, еңбекқорлық пен кәсіби біліктілік, жасампаздық пен жаңашылдық құндылықтарын дарыту арқылы адал еңбек

пен қоғам игілігін алдыңғы орынға қоятын, адал, әділетті азаматтарды тәрбиелеуге бағыт береді.

Ал, «Әділетті Қазақстан» идеясы әрбір азаматқа өзін-өзі жүзеге асыруға және табысқа жетуге бірдей мүмкіндік беретін қоғам құру мақсатын көздейді. Бұл мақсатқа жету үшін балалар мен жастардың бойында тәуелсіздік пен отаншылдық, бірлік пен ынтымақ, заң мен тәртіп құндылықтарын дамытуды қажет етеді.

«Озық ойлы ұлт» идеясы балалар мен жастардың бойында білімге құштарлық, шығармашылық және инновациялық ойлау, кәсіби даму, бірлік пен ынтымақ құндылықтарын дамыту арқылы өзгерістерге бейімделіп, инновациялық технологияларды ұтымды қолданатын ұлтты қалыптастыруға бағытталады.

Демек, қазіргі әлемнің сын-тегеуріндеріне дайын азаматтардың жаңа буынын тәрбиелеу «Әділетті Қазақстан – Адал азамат – Озық ойлы ұлт» ұштағанымен сабақтасады. Бұл әрбір азамат өзінің маңыздылығын, жауапкершілігін және ортақ іске қосқан үлесін сезінетін әділетті, дамыған және инновациялық қоғам құруға мүмкіндік береді.

Аталған идеялар мен құндылықтар «Біртұтас тәрбие» бағдарламасының (бұдан әрі – Бағдарлама) негізіне айналады. Бағдарлама құндылыққа бағдарланған және құзыреттілік тәсілдері негізінде білім алушы тұлғасын қалыптастыруға ықпал ететін негізгі мақсат пен міндеттерді айқындайды.

Мемлекет басшысы Қ. Тоқаев озық дамыған мемлекет құру өскелең ұрпаққа тікелей байланысты екендігіне тоқталып, оларды тәрбиелеуге ерекше назар аудару міндетін қойды. Ұлттың жаңа келбетін қалыптастыратын:

тәуелсіздік және отаншылдық

бірлік және ынтымақ

әділдік және жауапкершілік

заң және тәртіп

еңбекқорлық және кәсіби біліктілік

жасампаздық және жаңашылдық құндылықтарын саралап, бала тәрбиесіндегі басты бағдар ретінде айқындады.

Ұлт болашағы балалар мен жастардың бойына қандай құндылықтар сіңіретініне байланысты, сол себепті өскелең ұрпақты тәрбиелеу – мемлекеттің маңызды міндеттерінің бірі.

Сондықтан «Біртұтас тәрбие» бағдарламасы елімізді жаңартатын «Қағидамыз – әділдік, тірегіміз – жауапкершілік, мақсатымыз – өрлеу» ұстанымына негізделеді.

Шешімі:

- «Адал азамат» біртұтас тәрбие бағдарламасы мектепке дейінгі білім беру ұйымдарының тәрбие процесіне кіріктірілсін.

Балабақша меңгерушісі:



У.О.Серибаева

Хатшы:



С.Бозорбаева

ЖШС «Радуга» бөбекжай-балабақшасы

Өндірістік кеңесінің

Сарыағаш қаласы

Хаттамасы №3

13.02.2026ж

Қатысқандар:

2. Шаруашылық меңгерушісі.
3. Әдіскер
4. Аға тәрбиеші
5. Медбике
6. Хатшы

Күн тәртібі:

1. Педагогтардың жарты жылдық есебі
2. «Денсаулық – табиғат берген сый» медбике
3. Психолог

Қаралды:

Бірінші мәселе бойынша балабақша әдіскері: У.О.Серибаева сөз сөйлеп, №2 педагогикалық кеңестің шешімінің орындалуы туралы айтты.

Педагогтардың 2025-2026 оқу жылындағы жарты жылдық есебі тыңдалды. Онда педагогтар 2024 жылдың қыркүйек айынан бастап 2026жылдың ақпан айына дейінгі аралықта өткен ашық ұйымдастырылған оқу қызметі мен ертеңгіліктеріне, ата-аналар жиналысы мен топтағы бала санының мәліметтеріне тоқталды.

Екінші мәселе бойынша, балабақша медбикесі «Денсаулық – табиғат берген сый» тақырыбында баяндама оқыды. Онда қазіргі таңда өршіп тұрған «Қызылша» жұқпасы туралы төмендегідей мағлұмат берді:

Қызылша мен қызамық– біріне бірі өте ұқсас жұқпалар. Екеуінің де қоздырғышы вирус. Ауру ауа арқылы жұғады. Екеуіне тән негізгі белгі – денеде бөртпелердің пайда болуы.

Қызылша. Вирус адам ағзасына тыныс алу жолдары арқылы енеді, онда көбейіп, қанға енеді. Қан арқылы әртүрлі ағза мүшелеріне тарап, тамақ безін, бауырды, өкпені, жілік майын зақымдайды.

Қызылша қалай өтеді?Тұмау ауруларына ұқсайтын белгілерден басталады (дене қызуының көтерілуі. Жөтел, көздің жасаурауы, мұрынның ылғалдануы). Бұл жағдай 2-3 күнге созылады, содан соң денеде анық қызық бірігетін бөртпелер пайда болады, бастапқыда бетте, құлақтың артында,

сонан соң барлық денеге тарайды. Ауру айналасындағылар үшін денесіне бөртпелер пайда болғанда дейін 4 күн, пайда болғаннан кейін 4 күн ішінде залалды болып саналады.

Қызылшаның қауіпті неде? Қызылша асқынуларымен қауіпті, олар - ортаңғы құлақтың, өкпенің, кеңірдектің, бронхоның, ми қабықтарының қабынуы. Кез келген асқанудан ауру өліп кетуі мүмкін.

Қызылшаны қалай емдейді? Қызылшаны да кез келген вирусты жұқпа секілді емдеу қиынға соғады. Қызылшаның арнайы емдеу препараты жоқ. Антибиотиктерді тек оның асқаруларын емдеуге пайдаланады. Науқасқа витаминдерге бай тағамдар (көкөністер, жемістер, шырындар), көп мөлшерде сұйықтық ішу қажет.

Үшінші мәселе бойынша балабақша психологы ұжым мүшелерін жағымды күйге түсіріп, сергіту мақсатында «Менің өмірлік жолым» тақырыбында психологиялық тренинг жүргізді. Бұл қиял ғажайып тест арқылы ұжым мүшелері өз өмірлеріне бір сәт басқаша көзбен қарауға мүмкіндік алды. Әрбір педагогқа берілген тапсырманың жауабы бойынша: 1-тапсырмадағы егін алқабы – ол өмірлік жолы, жол – бұл өмірлік жолы, жауын – басқаның сіз туралы айтқан пікіріне көзқарасы, мысық – жалпы әйез заты туралы пікірі, қасқыр – ер азамат туралы пікірі, су немесе от – отбасындағы рөлі. Осы бойынша педагогтардың өз өмірлеріне деген көзқарасы анықталды.

Шешімі:

- 2025-2026 оқу жылындағы педагогтардың жарты жылдық есебі қанағаттанарлық деп есептелінсін.
- Балалардан қызылшаға қарсы вакцинаны алуды қадағалау медбикеге жүктелсін.
- Психолог тренингтің қорытындысын жасап, педагогтармен жұмыс жүргізсін.

Балабақша меңгерушісі:



У.О.Серибаева

Хатшы:



С.Бозорбаева